

清 王彥威◎纂輯 王亮◎編 王敬立◎校

清季外交史料

4



國家圖書館出版社

第四冊目錄

清光緒朝外交史料

卷一一七		一
卷一一八		二〇
卷一一九		三九
卷一二〇		五三
卷一二一		六七
卷一二二		八八

第四冊目錄

一

卷一二三		九七
卷一二四		一〇
卷一二五		一二二
卷一二六		一三九
卷一二七		一五五
卷一二八		一七五
卷一二九		一八七
卷一三〇		二〇三
卷一三一		二一四

第四冊目錄

二

卷一三二		二二六
卷一三三		二三八
卷一三四		二五六
卷一三五		二六六
卷一三六		二七七
卷一三七		二九一
卷一三八		三〇四
卷一三九		三二二
卷一四〇		三三八
卷一四一		三四九

卷一四二		三六一
卷一四三		三七四
卷一四四		三八七
卷一四五		三九九
卷一四六		四一二
卷一四七		四二八
卷一四八		四四一
卷一四九		四五六
卷一五〇		四六八
卷一五一		四八一

卷一五二		四九二
卷一五三		五〇六
卷一五四		五二二
卷一五五		五三八
卷一五六		五五一
卷一五七		五六五
卷一五八		五七六
卷一五九		五八八
卷一六〇		六〇七
卷一六一		六二一

第四册目錄

三

卷一六二		六三一
卷一六三		六四六
卷一六四		六六二
卷一六五		六七九
卷一六六		六九三

清季外交史料卷一百十七 光緒二十一年七月至八月

目錄

旨着許景澄查明德廠訂造堅利之船需費若干電七月初一日

署漢督崧蕃致總署已催兩島交地委員到界電初二日

使俄許景澄致總署報德廷不願減日本索費電附旨初三日

使美楊儒致總署美外部言中美交厚古田案決不附英作難電初

三日

使英龔照燮致總署古田案英皇甚重視請嚴辦電七月初四日

諭慶裕邊寶泉英領事所擬辦法着分別准駁嚴辦電初五日

署江督張之洞奏教堂買地不先報官流弊太大擬請照約由地方

清季外交史料卷一一七目錄一

官查明方准稅契摺初六日

署江督張之洞致總署俄造西伯利亞鐵路意在網羅亞洲東方貿

易利權電初八日

署江督張之洞致總署遵旨籌議日約補救辦法電附旨初九日

使英龔照燮致總署野人山關繫甚重即晤商沙侯電初九日

使英龔照燮致總署沙侯囑電請持平辦理川案電初十日

使俄許景澄致總署俄外部意如退還須兵賠兩費並交電附旨初十日

黑龍江將軍依克唐阿致軍務處報中日約期交俘電附旨十二日

吉林將軍恩澤致總署報俄員來商松花江通商章程並俄官等逕

赴長白山奉天遊歷電十三日

伊犁將軍長庚致總署報俄派兵往吐魯番應否照准乞示電十四日

使英龔照燮致總署與英外部接洽解決川案辦法電十五日

使英龔照燮致總署野人山易地事宜早議並已與山侍郎接洽電

二件附旨十六日

使俄許景澄致總署羅拔云已約德法商減賠費俟日廷覆到再述

電十七日

浙撫廖壽豐致樞垣擬就蘇杭設洋關置稅司釐稅並徵電十九日

署江督張之洞致樞垣有人集股承辦內河小輪船電十九日

署江督張之洞致樞垣產貨地方先抽釐金辦法電十九日

署江督張之洞致樞垣擬調熟悉洋務人員來蘇電十九日

清季外交史料卷一一七目錄二

使英龔照燮致總署哈外部言日允還遼旅電十九日

署江督張之洞致總署請於日本新約指明河道經過地方免致牽

混電十九日

署江督張之洞致總署遵旨籌辦蘆漢鐵路擬並勘滬寧粵漢京張

隴海等路電十九日

旨歸遼之議不發於俄而發於法着許景澄確探實情詳覆電十九日

盛京將軍伊克唐阿致總署報日藉口安平河等處搶案要求派兵

保護電十九日

川督鹿傳霖致總署川案宜速議結免生枝節電十九日

使俄許景澄致總署請知照德使准康普泰照代辦應有職權辦理

電十九日

旨寄許景澄龔照璽應交日本五千萬兩着在倫敦交日使電二件

七月十九日

旨着張之洞等籌辦商務須於興利之中先籌防弊電二十日

使美楊儒奏派員查明墨國情形並墨約暫難定稿摺二十日

使俄許景澄奏俄國經辦借款道旨訂定合同摺二十日

使英龔照璽致總署日事英本與聞而未得利近教案疊出恐有藉

口請外示聯絡以免決裂電二十二日

使美楊儒致總署報川教案美欲以英法所查為據電二十二日

使英龔照璽致總署旨允酌讓紅奔河以南數里此地在此緯線幾度

清季外交史料卷一一七目錄三

乞示電二十二日

使俄許景澄致總署據法外部言三國公議遼東賠費三千萬兩日

廷已允電二十二日

旨着許景澄告俄外部訂歸還約請俄幫助到底電二十二日

使英龔照璽致總署與山侍郎言川案結可議劉罪電二十三日

駐法參贊慶常致總署俄法外部言日退還限三個月加費三千萬

已定議電附旨二十三日

駐法參贊慶常致總署遼費三千萬業經三國議定如商減日必酬

議電二十六日

川督鹿傳霖致總署川東道黎庶昌屢次推諉教案電二十六日

粵督譚鍾麟致總署與法督互商搜捕越匪情形電二十六日

使英龔照璽致總署紅奔河以西歸英請將允讓野人山地經緯度

數酌示電二十六日

福州將軍穆圖善致總署占田案罪犯已正法餘俟有確供再辦電

附旨二十八日

江督劉坤一一致軍務處山海關裁撤隊一營電二十九日

使英龔照璽致總署與英議界為難請不動緬約另設辦法電三十

日 陝撫魏光燾致軍務處報山海關等處防軍已撤關防益薄似應移

營入關電八月初七日

使英龔照璽致總署川教案英頗重視歐意如何乞示電初八日

清季外交史料卷一一七目錄四

旨着張之洞通籌湖北鐵政局毋蹈前失電初八日

旨劉秉璋辦理教案督率無方革職永不叙用並着龔照璽告英外

部電二件初八日

使英龔照璽致總署據慶常晤法外部告界務為難情形並商借款

造路允催日歸還旅電十一日

總署致龔照璽第一期應交日款如數照辦電二十日

旨寄李煥准第穆呼圖克圖辭退藏番政教歸達賴接管並着相機

操縱電二十一日

使英龔照璽致總署請留慶常駐法電二十一日

江督劉坤一奏還遼債款三千萬可照議完結電二十七日

旨着派李鴻章爲歸還遼旅全權大臣電二十八月

清季外交史料卷一一七目錄五

清季外交史料卷一百十七

黃巖弼夫王彥威輯

男希隱亮編

孫孝章敬立校

旨着許景澄查明德廠訂造堅利之船需費若干電

電許景澄重立海軍以鐵甲船爲根本前造鎮定兩艦共銀二百六十六萬兩今若在德廠訂造最堅利之船需費若干幾時可成着許景澄切實查明此外如有現成上等船隻出售者一併查明具奏七月初一日

署滇督崧蕃致總署已催兩烏交地委員到界電

前奉諭電查詢派往兩烏交地委員何時到界當於洽電覆達催飭各

清季外交史料卷一一七一

員趕於七月中旬到界在案頃據蒙自領事業國麟十八日照稱准河內總督電開奉駐京大臣文開猛烏地方原係越南轄地本大臣已同總督言明中國毋庸派官交割只須該督一面飭令宋德來前往一面達知駐蒙領事照會中國官查照辦理所有本國應派駐防官兵不久即要派往駐防等語來文是否屬實未准總署電知殊難臆度除催交地各員仍速前往外專請詳示遵行七月初二日

使俄許景澄致總署報德廷不願減日本索費電

附旨

頃羅拔稱德廷不願減日本索費本部力主核減近日德稍鬆口又議交賠費即退遼不牽首二期兵費德謂須并付故尙未決此但密述俟商妥即電喀使明告等語朝鮮電不通俄外部未得詳情現無舉動請

代奏七月初三日奉旨許景澄電悉歸遼之議發自俄廷如仍賠費則與俄之初議未合且於中國交誼亦未爲完足現在德既鬆口即當趁此定議一面令日本將遼地交還一面由中國將首二兩期兵費一并交付如此則於中無損於日有益而俄國從中說合亦易於措詞該大臣膺此重寄務與羅拔悉心密商使遼地早歸賠費悉去以符前此操縱之說方爲妥善

使美楊儒致總署美外部言中美交厚古田案決不附

英作難電

密古田案照會外務未接覆見副外務云美前電田使意在查明秉公辦理中美交厚決不附英作難科覆函稱伊不便電田使恐有損無益

清季外交史料卷一一七 二

七月初三日

使英龔照璣致總署古田案英皇甚重視請嚴辦電

密英視古田案甚重君后特臨議院云已令政府請中國嚴辦以安衆心昨外部云古田案地方官不與領事會審並不欲觀審此案難結云會審不合公法觀審西例有之七月初四日

諭慶裕邊寶泉英領所擬辦法着分別准駁嚴辦電

電悉領事所擬辦法七條諸多窒礙應分別准駁獲犯六十餘名有確供者不及十人未獲各犯仍着嚴辦總期速了據龔照璣電奏會審不合公法觀審西例有之即可堅持此說辦理七月初五日

署江督張之洞奏教堂買地不先報官流弊太大擬請

照約由地方官查明方准稅契摺

署理兩江總督湖廣總督張之洞奏爲教堂買地不先報官流弊太大擬請申明約章西例須由地方官查明無礙方准稅契以冀護持國體消弭釁端事竊臣承准總理衙門咨法國使照稱嗣後法國傳教士如入內地置買田地房屋其契據內寫明立文契人某某此係賣產人姓名賣與本處天主教堂公產字樣不必專列傳教士及奉教人之名立契之後天主堂照納中國律例所定各賣契稅契之費多寡無異賣業者無庸先報明地方官請示准辦又准總理衙門咨法使照稱教堂在內地置產一事請通行各督撫自行出示曉諭自用土憲印信廣爲張掛各等因臣伏查教堂在內地置產地方官不得與聞流弊滋多或

清季外交史料卷一一七 三

有礙公所形勢或有妨商民生業以及界址不清之地歷年蠲謁之產地痞勾串朦混成交訟獄繁興釀成鉅案華民固受累無窮洋人亦被欺枉費且於中國地方官管轄土地之權亦大有妨礙查近年各國教士皆援引法國第六款有并任法國傳教士在各省租買田地建造自便等語以爲藉口殊不知法文續約並無此語且法約第四款載明自今以後所有議定各款或有兩國文詞辨論之處總以法文作爲正義是法文所無中文雖有仍不得援以爲例臣嘗見光緒十二年美國議院所刊各國交涉政書有美使田貝致外部一書光緒十二年九月十二日即西歷一千八百八十六年十月初六日由北京發所論此事最爲公允謹撮譯大意云法約華文載各省租買田地建造自便一語法

文並無此語亦無一字一句可強譯爲此義者不知當日華文約內何以增此二語殊不可解美國教士每欲援引此約歷任使臣多不以爲然謂法國未立約以前內地已有教堂中國有不得不允其買地建造者別國則不可一概而論且在內地居住亦甚不便是以英國政府向不欲堅執教士入內地居住之說惟中國地方官既自願聽其在內地買地建堂居住即應一律保護如有被人擾害外國自不能漠視不理如中國官不願教士入境僅可照約商辦但不應擅行驅逐庶合於理所謂在內地居住亦其有不便者何也外國人在中國內地不歸地方官管轄其間良莠不齊在外國已然在中國何獨不然自不能無非理犯法之事使各國能在內地編設審司官長執法以斷其曲直而懲其

清季外交史料卷一一七 四

暴戾則居住內地自可無弊今各國既不能在內地處處設官而中國地方官又無權以管轄之其勢不能不限定外國人居止處所使居於通商口岸有洋官以管轄之庶可歷久相安而無流弊本大臣之爲此論並非有所貶責於教士特準情酌理期有以補偏而救弊耳在教士以勸善行道爲心未必遽有不法之事本無可議而自國法視之教士亦齊民耳但當論其守法不守法不復計其存心之臧否與執業之貴賤也等語由此觀之是內地置產居住一事各國本無可爭之理亦無必爭之意前湖北利川縣教堂買地一案法領事悻悻來見詞氣暴橫經臣援引指出法國條約法文並無准其買地之語明白揭破嚴詞駁斥該領事竟無詞以對氣噤立沮默然而去是其明徵自後遂不復引

約糾纏今法使乘東洋有事之時復以教堂置產一事要挾並聲明賣業者無庸先報明地方官請示准辦總署自係因結援方急未便重拂其意是以允其所謂咨行各省出示曉諭並轉飭地方官一體照辦外省自惟有查照辦理礙難更改然聽其私買私賣地方官概不預聞誠恐地方從此多事種種棘手自不可不設法補救既弭民教嫌釁且可保中國地方官轄地之權臣詳核法使文中有照納中國律例所定各賣契稅契之費多寡無異等語是彼亦知不能明言侵中國轄地之權不能廢稅契蓋印之事查光緒十一年粵省所譯英例全書載購產來歷不清而故爲隱飾是騙詐也買約作罷論買價追回又云地有關於衆用者不知而買買約可廢又云立契約不法其故有三皆不可從一

清季外交史料卷一一七 五

傷德二礙分三騙詐均有罪名等語是各國購產條例遇有來歷不明串買盜賣經官查出契據作廢且須罰辦此爲國家管轄之權外國公共之理中國固不能捐棄此權教士亦豈能違背此理應請敕下總理衙門與法使訂明將上項所引法文約章外國條例切實告知中國近年准教堂於內地置產乃我國願睦誼加厚格外通融惟建造自便之語法文本無此言自不能不示以限制以符公例此後教堂購產雖無須先報明地方官惟稅契之時須由地方官查明果係該地毫無違礙葛藤明買明賣兩造情願地方官自必照章稅契用印斷不至無端阻止久滯過慮如遇來歷不明侵佔盜賣纏訟不清種種弊端一經查出或別經告發即將契暫留速告洋人萬勿付價地方官當秉公持平照

例查辦如欺誑得價者追繳原價將契作廢教士亦不得恃勢袒庇如此則侵佔盜賣之弊除而爭訟之端亦少庶地方官得以認真保護民教得以歷久相安囑其飭各教士一體遵辦凡此皆情理兼盡確有根據之言法使似不能不允俟商妥後通行各省使地方官有所遵循或可挽回於萬一謹奏光緒二十一年七月初六日奉硃批該衙門議奏

署江督張之洞致總署俄造西伯利亞鐵路意在網羅

亞洲東方貿易利權電

密俄國建造西伯利亞鐵路意在網羅亞洲東方一帶貿易此路一成凡歐亞相通之英法德三國公司輪船無不大受其損蓋行旅及細貨之取速達者莫不舍舟就陸惟賸重大貨物而又不求速達者尙由船

清季外交史料卷一一七 六

運耳先聞總署允其假黑龍江南岸造鐵路以接於海參崴已成之路可省千里近英文新聞紙又言中國允其沿鴨綠江而南建造鐵路以江口爲水陸銜接之所查俄國久謀在東方覓一冬凍不久之海口今以鴨綠江口畀之此路一成俄可獨擅二洲東方貿易轉運之權今中國方謀以鐵路自強查鐵路之利分二大項一收本國往來之利一收外國貨物經過之利中國目下力雖未逮日後必須擴充收外國之利而後路愈富國愈強中國居亞洲東方此一帶貿易之利中國應收之俄國不應奪之也且遼東根本重地後患甚大不可不防爲今之計惟有速與俄議凡自俄境入華境以後無論鴨綠江南岸黑龍江南岸達於海口其鐵路皆由中國修造俄國運貨運兵皆可行用惟運兵須議

定章程限制造路之費即以本路作押不須海關其款即託俄代借彼亦可有需潤我由此路可操縱各國經由貨物之利權運價少多由我酌定其利甚大既可振中國富強大局且防無窮後患不可不竭力挽回不勝急切扼腕之至此事關緊要東方海面商務事涉南洋非敢越俎俄人是否允許可否諭知洞處以便另籌辦法請代奏七月初八日

署江督張之洞致總署遵旨籌議日約補救辦法電

附旨

密奉旨籌議日約第六款補救辦法謹擬十九條 一寧波口岸並無租界名目洋商所居地名江北岸即名曰洋人寄居之地其巡捕一切由浙海關道出資雇募洋人充當今日日本新開蘇杭沙市三處口岸係在內地與海口不同應照寧波章程不設租界名目但指定地段縱橫

清季外交史料卷一一七 七

四至名爲通商場其地方人民管轄之權仍歸中國其巡捕緝匪修路一切俱由該地方官出資募人辦理中國官須力任諸事必爲妥辦不准日本人自設巡捕以免侵我轄地之權 二製造貨物自係單指通商口岸而言華文有含混內地之意須更正任便兩字太寬宜定限制 三出示曉諭產貨地方須先完坐賈釐捐方准售賣無論洋商華商一律辦理日本人在內地收買土貨只可暫行租棧存放不准自行開行不准自向散戶收買以免奪我產貨地方坐賈釐稅且杜華商影射洋票漏釐 四內地收買土貨准其租棧暫存不准購買房地懸掛招牌所買土貨務須運載出口不得在內地暫售洋貨運入內地須大宗販賣不准零售租棧應給地方公舉費用須照華民房屋攤派 五日

本人在內地製造土貨出廠後即完正稅一道運出通商地界無論行銷內地及運出外洋均須再完半稅一道 六通商章程善後條約第二款所載各項器用食物進出通商各口皆准免稅原爲洋商在各口岸自用爲數無多故邀寬免若作貨物轉售應照值百抽五納稅不得藉口家用雜物朦混免稅 七日本輪船不准販運食鹽 八米穀銅錢不准販運出洋 九軍火禁販非有官給執照不准進口 十日本輪船不准拖帶民船免致影射漏釐 十一日本行內河輪船尺寸大小時刻早晚須有限制以免傷礙民船 十二日本輪船只准到指定口岸裝卸人貨不准沿途起卸搭載 十三內河輪船應收船鈔須較長江加多以備修理河道之費 十四日本人入內地辦貨賣貨不准

清季外交史料卷一一七八

竊擬改爲華裝違者查出即作爲華人照奸細治罪 十五僱用華民工作須按日給值聽其自願不得立約限期抑勒作工更不得鞭撻虐待 十六裝運機器製造各物須無傷民命方能照准不得以任便兩字藉口 十七船隻非日本商人購置行戶借日本商人資本不准懸掛日本旗如有冒名包庇查出即行充公 十八製造各廠如有裝匿犯法華人一面由地方官知照領事一面即派人到廠緝拿廠主不得袒庇如廠主確知爲好人須照洋例存銀作保到審訊日交出候審 十九廠內如有華工滋鬧毀傷機器廠屋地方官只能辦犯不能賠償若僅罷工細故須由廠主自行調停官不與聞此外如有再有籌畫所及之處當再續陳請代奏七月初九日奉旨寄李鴻章王文韶中日新約

第六款已諭令李鴻章王文韶妥議覆奏前據張之洞電擬補救辦法十九條劉切詳明堪資採取着李鴻章等按照所擬各節悉心妥籌商定辦法毋令貽患將來

使英龔照璦致總署野人山關繫甚重即晤商沙侯電

陽電敬悉讓野人山可否尙未奉旨沙未提及璦亦不便言恐占實令馬格里便詢山侍郎前沙侯言野人山究係何處山云定是轉圜之法沙亦不詳悉地界已電詢印督俟覆到如中國允商再告知地名邊界等語查薛使與英定界約及緬圖上畫野人山界今請讓似係昔馬美利等地姚文棟勘界記曾言野人山關繫甚重業於寄鈞署江洪圖時函內聲明又奉悉陽電即約晤沙侯俟晤後再電聞惟新報云古田案

清季外交史料卷一一七九

派劉督查辦西人譁然是否乞示七月初九日

使英龔照璦致總署沙侯囑電請持平辦理川案電

密昨接外部文詢易地事究如何議璦頃晤沙侯云前奏尙未奉旨總署令詢讓讓野人山究係何地沙云俟總署電允議並示在何處商議即言此地名璦云即電請示現川教案歐使言過分總署頗爲難沙云查歐所言劉督情形是實歐告總署各語係奉國諭璦云如此於中法邦交皆有礙且中國體制何在沙云各國皆心不服不予罪名不能休璦云我朝廷自有權衡查實必予以應得之罪沙云此語頗愛聽望速電請總署必持平辦纔可服衆心固邦交各等語沙獨怪劉督事前不肯出示鬧事時不保護以歐言爲實他國又附和之如何辦解不傷體

制古田案准領事聽審英無異言西人皆悅七月初十日

使俄許景澄致總署俄外部意如退還須兵賠兩費並

交電 附片

旨詳商羅拔並付首二期兵費不給賠費催速退還據稱不賠實辦不到現三國公議減去貳千萬兩此乃與德再四爭執纔無異議德謂非兵賠兩費並交日必不允致仍不決惟事不可再延請即密詢中國除借款外能否添湊從速見覆以便定辦復商兼用剛斷全駁此費彼云俄已盡力商辦兩月之久尙無成說可見事極費手等語請核奏七月初十日奉旨寄許景澄賠費減二千萬中國力實不能照辦着商羅拔竭力磋磨

清季外交史料卷一一七 一〇

黑龍江將軍依克唐阿致軍務處中日約期交俘電

附片

中日交俘一節迭蒙准督辦處李鴻章劉坤一王文韶札咨該國訂期約西歷八月二十在大沽交付第二次約九月二十在旅順口交付旋又稱在海城之五百九十八名改在甘泉堡交付等因查西歷九月二十即中國八月初二當會同長順一面咨商奉天直隸並劉坤一宋慶等處一面預備派員屆期往收忽七月初三日午刻據遼陽州徐慶璋面呈海城日官山澗靜吾照會七月十三正午在甘泉堡交還俘虜並聲明日本俘虜亦於是日交換等語正在商辦自未至戌連准李鴻章王文韶宋慶以中日俘虜於七月七日在甘泉堡彼此換交等因是日已晚趕辦不及只得准照日官照稱七月十三之期不意商辦甫備是

夜日官率領中日人等千餘名已來甘泉堡候交俘虜依克唐阿初八辰刻始悉其情業由徐慶璋照覆仍以十三爲期當思日官既來即亦不必拘定立即會同長順電知裕祿派員速往妥收竊查日人約期屢爽狡詐無常當此遠地未歸添兵運械賊心叵測之際故爲顛倒錯亂以窺我虛實或混進奸細乘隙蹈瑕均意中事倘有貽誤越數千里外請戰依克唐阿一身不足惜如大局何現飭各營在原紮處所嚴密戒備日如有變即與相機決戰斷不肯以一身是惜貽誤天下如日實無他意亦斷不敢釐自我開合先陳明候請代奏七月十二日奉旨電寄裕祿依克唐阿海城甘泉堡互換俘虜一事祇須按照各數妥收不必過事猜疑致生別釁至安插遣使事宜督飭地方官妥爲經理

清季外交史料卷一一七 一一

吉林將軍恩澤致總署報俄員來商松花江通商章程

並俄官等逕赴長白山奉天游歷電

據三姓咨報俄國廓米薩煥瑪秋寧乘輪來吉擬商辦松花江各處通商章程吉省只奉購買穀畜電示餘未奉有明文俄員到後如何答覆俄使在京曾否議有定章請電示遵辦又據琿春電稱俄官帶人十數名持俄國護照擬取道南崗赴馬白山奉天游歷請飭保護等語當告以地屬荒山礙難保護俄照行於內地與定章不符囑令來吉換照竟不允從業已逕行矣七月十三日

伊犁將軍長庚致總署報俄派兵往吐魯番應否照准

乞示電

據伊犁道吳領事來商俄國現派馬兵七十名前往吐魯番住領事寓所擬由伊犁庫鄰一帶行走等語請示前來查該處領事雖經准設惟俄兵往往內地事係創舉應否准其前往祈鑒奪賜示七月十四日

使英龔照瑗致總署與英外部接洽解決川案辦法電

今早外部函覆正有要事須面敘頃晤山侍郎云沙昨赴鄉將來函交閱函云中國如不即予劉督相當之罪明發即派兵船到華海口報復等語瑗云川案未結即明與劉處分我朝有大為難且於川案不利茲詳告之請達沙電歐山允瑗回署接鹽電示與瑗言恰合復往晤山告知電語山云已將總署為難非不願即請嚴辦情形告沙即電歐應緩數日俟中國辦理七月十五日

清季外交史料卷一一七 一二二

使英龔照瑗致總署野人山易地事宜早議並已與山

侍郎接洽電 二件附旨

密山侍郎言及易地事早議益處甚多沙平正寬大向有面情議院散後即過海以後公文議事定然筆不如口此關切語請諒云瑗窺其意似已知派員交地法已電於英若英說出則其慊恐不在野人山小處七月十六奉旨緬約所定野人山界中國所得無多豈容再議惟英與我邦交已久入幕左近之紅奔河以南尚可酌讓數里着龔照瑗明告外部此係情讓毋再求益

密昨晚奉旨飭告明外部野人山地事今早奉悉銑電稱沙已赴鄉未回約晤山侍郎晤後再電聞前山云係奉廷諭議派船故沙有此急函

等語自係歐為害七月十七日

使俄許景澄致總署羅拔云已約德法商減賠費俟日

廷覆到再述電

賠費事遵旨諄商羅拔中國力難照辦囑其再籌據云商減費手情形前已密達此時萬難想法頃又約晤力商堅稱三國公議已定惟請中國體察實情免再就延並云俄德意見尚未盡合本部因欲趕辦已約德法將公議大略各電駐使先告日廷得覆再述等語請代奏七月十七日

浙撫廖壽豐致樞垣擬就蘇杭設洋關置稅司釐稅並徵電

旨恭悉繅紡各局藉可擴充商務補救完屬無多小輪祇分商利無濟

清季外交史料卷一一七 一三

貨釐釐重稅輕不啻驅華入洋所損尤鉅若以官為商經理不善徒滋弊耳豐意莫如就蘇杭設洋關置稅司釐稅並徵中外兩得其平商務可興利權可振似為執簡馭繁如荷允行應請總署會同總稅司將稅釐各項逐細核明商訂條款管窺之見無當萬一乞察酌七月十九日

署江督張之洞致樞垣有人集股承辦內河小輪船電

內河小輪一節飭上海道黃祖絡勸辦衆商願者極多現擬分為六路由滬至蘇為一路由滬至杭為一路由蘇至鎮江為一路由鎮至清江為一路由滬至崇明海門通州為一路由滬至寧波台州為一路後三路非日本條約所有因商人所願又便於民故一併議約現據該道稟已有人集股承辦無須發給官款每年除該船經費外願以餘利一半

報効充餉惟請目前照完釐金以後如洋人小輪開行時彼此完一正稅或再完半稅相去懸絕則華輪無人僱用恐比照洋人章程一律等語竊思果如所請則內河釐金全減爲洋稅斷不可行查內河小輪之利全在拖帶民船剝船運貨洋人小輪自應照長江章程不准拖帶民船剝船據稅務司言此必可行但能堅持舊章定約且限制每河只准幾隻則華輪自可照舊完釐不知總署議約如何復望諭知以便速飭定議趕造請代奏七月十九日

署江督張之洞致樞垣產貨地方先抽釐金辦法電

產貨地方先抽釐金一節查繭絲棉花兩大宗繭及絲向來於賣出時併抽一道浙絲亦同棉花視運行遠近釐金多少不等現擬飭江北江

清季外交史料卷一一七 一四

南通州等產花之處皆責令花行分別銷售何地將徑達釐金併爲一次完納其爲數較重者酌予核減蓋如此辦法偷漏自無且向來釐卡多係減成招徠今併抽則雖減而實數無損此外各貨屢與蘇寧兩釐局熟商據云類繁路歧一時難得良法且尙非洋人注意只可從緩陸續酌議惟我於花行並抽日本商人若向散戶收買則仍無益查日本新約只云暫租棧存貨並無准其開行字樣惟有詳細切實議明不准設行收買一面密飭地方官賣花皆須歸行發售彼自不能買之散戶即或間有向散戶私收總不其便本日詢造冊稅司葛顯禮云開行一層必可禁止林董來詢先抽釐金一節總署似可答以此乃江南因釐卡太多累商故量加核減而併抽之此中國恤民內政與外國無涉蓋

此事終不能不使洋人知不如明告較爲得體且核減亦是實事請代奏七月十九日

署江督張之洞致樞垣擬調熟悉洋務人員來蘇電

蘇州創辦通商諸事繁難此係發端尤關緊要江省熟悉洋務商務之員其爲難得查有前廣東候補道楊楓曾到東洋充當隨員熟悉洋務精細老練且通曉洋文洋語該員係廣州駐防現丁憂在廣州擬請旨飭調該員迅速前來江南差委以便籌辦一切再浙江海寧州知州李圭久在浙海關當差曾經出洋於商務最爲究心蘇杭商務事必貫通昨與浙撫廖商調該員來江籌辦通商事宜候諸事議有端緒即令回浙廖已覆允飭其即來蘇州及江寧因李圭係實缺請代奏七月十九日

清季外交史料卷一一七 一五

使英斐照致總署哈外部言日允還遼旅電

哈外部告慶常駐日法使電退遼旅日可照辦數日後得明文請先電約鈞署俄外部在法所告相同哈又云復與英論界務英願與華和商如太要求法再勸解使使議鐵路事請速辦等語七月十九日

署江督張之洞致總署請於日本新約指明河道經過

地方免致牽混電

日本新約第六款從上海駛進吳淞江及運河至蘇州府杭州府等語此條內運河二字殊未明晰當係由蘇州至杭州之運河而言抑係指由鎮江至蘇州之運河竊思上文既承從上海進駛吳淞江之言自當係由蘇入杭之路非鎮江至蘇之運河也洋文只係河渠之意並非專

指運河務宜於詳約內指明河道經過地方免致牽混請代奏並祈迅賜電示以便籌畫小輪及釐金事宜切禱七月十九日

署江督張之洞致總署遵旨籌辦蘆漢鐵路擬並勘滬寧粵漢京張隴海等路電

奉旨飭籌蘆漢鐵路如何辦法需費若干等因連日悉心籌畫熟商西人及曾出洋人員查造鐵路以勘路繪圖估工爲第一義外洋各國皆專設有鐵路部尊如六部其長官略如尙書鐵路惟德國造最後而工最精利最厚此舉必須電出使大臣商託德國鐵路衙門派精熟誠實之員數人並約帶驅策之人來蘆代我勘路除蘆漢一路外如有將來必須接修之幹路必修之枝路亦應趁此一氣勘明以便通籌各路分

清季外交史料卷一一七 一六

起四出測勘即蘆漢一路亦可南北分勘方可迅速大約至速必須一年俟勘畢繪圖後註明道里議定路寬若干鋼軌用若干噸重者估定橋梁車棧及火車頭客車之數石印數百紙分寄外洋各國工作大廠令其估價限若干日密封寄華會齊拆封擇其價廉而又係著名大廠者令其承辦包定工料用費若干年限若干不如式者如何議罰外洋即係如此辦理洋廠只包辦工程其款悉由官籌不必令兼攬借款其買地彈壓等事須有委員經理至工料地價一切平地每里在萬金以內山河每里在萬金以外道里及需費確數須俟洋員勘劃方確若籌款一節不外借洋款一法華商集股斷無其事幹路成後其路短而利厚之枝路或有商股願辦外洋惟借款修鐵路最爲樂從款鉅而息輕

以此爲值最穩固也即可以本路作押無須海關作保分還年限宜稍寬以舒氣現詢上海洋行有願息四釐半者惟此款太鉅應請飭使德大臣許侍耶向洋銀行議借因許使操守最可信於託辦船械物料各件從不沾染經手費也總之鐵路爲今日自強首務無論運兵運餉之便即爲富民籌餉計亦惟鐵路爲最大遠勝開礦等事德國境內鐵路進款餘利每年四千兆馬克合銀十三萬萬兩是其明證蓋鐵路之餘利尤在載人不僅在運貨近時論者尙多隔膜竊謂朝廷既決意興辦必宜就此通籌全局將應修各路一齊勘繪估計然後體察緩急審時量力次第舉行免致虛勞籌計外人見中國有此大志已可隱戢欺凌護鄂督譚已奉旨委員查勘湖北至江西廣東之路自係朝廷有意

清季外交史料卷一一七 一七

將幹路接修至粵此路若能開通則中國氣脈大暢惟大庾嶺須洋匠測勘有何修造之法應以蘆溝一路接至黃梅在九江過江經江西抵廣東省城爲幹路此外應修者尙有數路一由河南幹路孟津以西分修枝路入潼關至陝西省城一由通州以北分修枝路至河南省城以達濟寧清江一由磁州以北分修枝路在臨清州以北作橋跨運河至山東省城以達煙臺威海又一由上海修一路經蘇歷鎮江以達金陵另爲一事此路行人最多故利最旺洋人極羨願承辦此路行於江浙海防調兵運械亦有大益一由通州造至張家口此路據西人云每年此路出口之茶進口之羊駝毛牛皮牛乳及各貨計車駝價甚鉅修成鐵路亦有大利可富蒙古德國洋員應請多募數人將六路一併分投

勘估幹路應接河北河南江南嶺南分爲四段測勘到華後計一年餘即可勘畢再行請旨定議先修何處勘路得人則雖多費十數萬將來所省不止數百萬橋費實不能惜蓋勘造鐵路一事中國委員所勘不能爲據高山能否開通隘坡能否直上橋梁能否建造城市若何繞避均須洋員習此者方解其法惟黃河能否造橋或即用船過渡均由洋員勘議此時未勘估興工以前似不必先派修路之員既係包工則修造以洋匠爲主可無須另設專員竊謂宜請欽派總理鐵路大臣一兩員卽駐京城必須清正有聲望者爲之不在熟習工程與否設一公所令擇數員爲總辦隨同籌畫至明曉鐵路者亦須訪求數員以資詢考官階不必甚大庶免朦混漁利鐵路所過省分卽派該省督撫爲幫辦

清季外交史料卷一一七 一八

委員經理買地彈壓保護看守等事但委員不得掣肘至所用鋼軌鐵料自應先儘湖北官局所造給價購用不敷者購之外洋如此辦法工可堅好費無浮糜時不延曠法簡而有把握此乃國家大政華商斷無此鉅款且亦不可令商操此道路之權若請集股者必係洋商託名附股所有自請集股承辦之官員報効包攬之洋商皆係貪狡妄人務望駁斥不理再洞前奏開鐵路一條原擬令小國商人承辦俾餘利與中國細思究有流弊仍以我自籌款只令商匠包工爲妥謹聲明更正請代奏七月十九日

旨歸遼之議不發於俄而發於法着許景澄確探實情

詳覆電

旨據照覆電稱哈告慶常云日本退遼旅可照辦數日後得明文俄外部在法所告相同等語歸遼之議何以不發於俄而發於法是否索費並未提及此中轉折着許景澄確探詳電毋失事機七月十九日

盛京將軍依克唐阿致總署報日藉口安平河等處搶案要求派兵保護電

徐慶璋稟初十接鳳城日官照會內開藥佔領地起安平河口溯其上流延至五間房龍灘山城雪裏站曲家府新開嶺大湯溝齊花甸一帶以向准擬和約已屬我國近因搶案屢出我國務要派兵保護云云又據探報海城聚糧可支半年營口於初三日到糧船五隻兵船三隻萬餘人云云依克唐阿查日所指各地並未奉日屬明文而彼竟據爲已

清季外交史料卷一一七 一九

有且已佔之地未還而又圖未佔之地被其恫喝易啟兵端惟有嚴飭所部妥爲防備乞代奏七月十九日

川督鹿傳霖致總署川案宜速議結免生枝節電

昨電旨劉督已重處英使當帖服美員亦可不來否電奏附參各員想已卽行議處特此案俾議處恐未必卽允結究如何議結似以從速爲妙免再生枝節又劉督言革職卽可乞歸屬代奏未敢冒昧敬祈示遵七月十九日

使俄許景澄致總署請知照德使准廣音泰照代辦應

有職權辦理電

廣音泰電稱德外部云兩國交涉代辦無權由在俄使臣酌奪不成尙

須授閣下全權逕爲往來方能面商事件等語現澄離俄而德有精意擬請知照德使准廣照代辦應有職權辦理並電廣候酌 七月十九日

旨寄許景澄廣照應交日本五千萬兩着在倫敦交

日使電二件

電許景澄第一期應交日本之款許景澄於倫敦存款提付廣照交與日本駐英使臣接收 七月十九日

電龔照璦第一期應交日本五千萬兩派龔照璦在倫敦與日本駐英使臣交代清楚 七月十九日

旨着張之洞等籌辦商務須於興利之中先籌防弊電

旨張之洞趙舒翹電悉江蘇息借商款二百二十六萬兩着准其借給

清季外交史料卷一一七 二〇

商務局分十年歸還惟開辦機器仿製洋貨原爲抵制外人起見該廠商人亦須自籌資本不可全用官款致外人藉口於官飭商辦轉生枝節小輪船專走內河崇明寧波兩路則涉外海可不必辦所請完稅免釐萬不能准棉花就行抽釐甚爲扼要若即照行總之此事務在得人該督撫當協力同心於興利之中先籌防弊之法是爲至要本日廖壽豐奏稱機器廠獲利無多小輪船流弊甚大擬於蘇杭設洋關置稅司釐稅並徵等語是否可行已交總理衙門斟酌辦法張之洞請調楊樞李圭兩員着准其分別咨調 七月二十日

使美楊儒奏派員查明墨國情形並墨約暫難定稿摺

出使美日祕國大臣楊儒奏爲派員查明墨西哥情形並墨約一時暫

難定稿事竊奴才於光緒二十年十月初一日奉准總理衙門咨稱七月二十九日奏請飭楊儒迅與墨使妥訂約章一片恭錄硃批鈔錄原奏咨行到津仰見朝廷軫念僑氓通商惠工至意曷勝欽佩查上年六月間奴才於通籌萬美華民善後事宜摺內將派員赴墨西哥察看情形一節奏明在案旋據該委員黎榮耀余思詒等先後將沿途見聞及抵墨後採訪情形酌籌開辦事宜陸續稟報前來奴才詳核所稟黎榮耀自金山附輪舟由海道赴墨周歷墨境西北西南東南三面凡過大埠十有四處始達墨都各埠華民或數十人或百餘人亦有數處尙無華人到彼大率傭工爲業經商者僅百之一二土人相待頗優惟工值所得遠不如美商稅尤重殊以爲苦該員所歷之地悉係瀕海大抵西

清季外交史料卷一一七 二一

北富礦產西南多腴田其東南之夏里那古盧司一埠枕山臨海鐵道初成爲商賈所萃之區繪有墨境全圖詳細譯註頗爲明晰余思詒自美都乘火車由陸路赴墨初入墨境地名巴梳與美國一河爲界河北屬美河南屬墨其地有華民五六百人在美境者十九墨境僅十之一自美禁華工後凡華民陽爲赴墨傭工實則仍由此處潛入美境雖美國稽查甚嚴而賄結土人暗中接引來者尙聯絡不絕巴梳係墨國北境由此而南凡歷九部始抵墨都沿途過埠八處均有華民迎候道左皆言聞中國派員來墨開辦欣喜過望據稱在彼傭工土人並不忌嫉惟工值無多與黎榮耀所稟略同該委員等均於六月下旬在美起程余思詒因火車迅速途中並無停留七月初八日即抵墨都黎榮耀查